



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri Petiti Philosophi & Doctoris Medici, Miscellanearum
Observationum Libri quatuor**

Petit, Pierre

Trajecti ad Rhenum, 1682

Cap. IX. Animadversa quaedam in Maronis Eclogis, de cicadarum &
ruminantium ingenio.

urn:nbn:de:hbz:466:1-13245

CAPUT IX.

Animadversa quadam in Maronis Eclogis, de cicadarum & ruminantium ingenio.

Sunt qui Maronem nunquam, nisi rebus prolati in manus sumunt, ut versuum modulamine, picturis verborum atque elegantia fictionum vacuam mentem pascant: itaque non mirum est, si nihil explicantur. At qui multa eximia in carmine ejus passim occurrunt, quæ nisi exercitatus lector & attentus deprehendat, ut cum in 2. Ecloga cicadarum hunc in modum mentionem facit:

*At mecum raucis, tua dum vestigia lustro,
Sole sub ardenti resonant arbusta cicadas.*

Et in 3. Georgic.

Et cantu querula rumpent arbusta cicadae.

Non enim temere cicadas inter arbusta canere facit, sed naturæ earum bestiolarum, ut aliorum animalium, peritus, hanc obiter indicat: nam calore iis opus est, & quidem non languido, ut eum cantum edant, sed qualem Sol propior & meridianus reddit: unde sub ardenti Sole dicit: sed si locus, in quo sunt, opacus esset arboribus, nec sub Solemeridiano & ardenti canere possent, quia densitas ramorum radios facile excludit, nec solum calorem temperat, sed etiam frigus inducit. Itaque inter arbusta eas constituit. Est enim arbustum rei rusticæ auctoribus, locus arboribus consitus vitis maritandæ caussa, ita ut arbores invicem distent non minore intervallo, quam pedum quadraginta, ne proprius affitæ densiorem umbram efficiant. Columel. de Arboribus cap. 16. *Arbustum* (inquit) *inter quadragenos pedes dispositum esse convenit: sic enim & ipsæ arbores*

arbores, & appositæ vites melius convalescent, fructumque meliorem dabunt. Segetes etiam quæ in eo erunt, minus umbra laborabunt. Hoc sensu ajo Maronem usurpassæ arbustum iis locis. Quod autem cicadæ hujusmodi locis gaudeant, quæ neque arboribus prorsus carent, neque multis & frequentibus opacentur, expresse Aristoteles notat lib. 5. historiarum cap. 30. Οὐ γίνονται δέ τέτλιγες, ὅπερ δένδρα μή εἰσι. διὸ καὶ ἐν Κυρήνῃ καὶ γίνονται ἐν τῷ πεδίῳ. οἵ δὲ τὴν πόλιν πολλοῖ. μάλιστα δὲ καὶ ἐλαῖαι, ὅτι καὶ γίνονται πολύσηκοι. ἐν γὰρ τοῖς ψυχροῖς καὶ γίνονται τέτλιγες. διὸ καὶ δὲ ἐν τοῖς ἐνσηκώσιοι ἀλσεσιν. i. Nasci non possunt cicadæ, ubi arbores desunt: quocirca apud Cyrenas, nullæ in campo sunt, cum circa oppidum ipsum multa proveniant. oleas maxime amant, ut minus umbrosas. loca enim frigidiora aspernantur: quamobrem in opacis nemoribus esse nequeunt. Quibus verbis ne nasci quidem in umbrosis locis cicadas dicit: Eustathius autem in comment. ad Dionysii περὶ γῆς nasci quidem, sed non esse vocales, ut apud Locros eos, qui Ozolæ dicti sunt: apud Epizephyrios, qui agrum Rheiensem incolunt, vocales esse: sola loci conditione, quæ dicta est, discrimin faciente. Ιδίου δὲ τῷ τόπῳ τάττε, ὅτι οἱ μῆλοι ἐν τῇ τῶν Δοκεῶν τάττων (Ἐπιζεφύριον) περάσατε τέτλιγες φθέγγονται, οἵ δὲ ἀλλοι ἀφωνοῦσιν. αἴτιον δὲ τῷ συμπλάκῳ τάττε λέγεται, ὅτι ἐπὶ θάτερα μῆλοι ὄλσονται, Φασὶ, τὸ χωρίον έστιν, ὃς τοις τέτλιγας μὴ ἔχειν διατέλλειν τὰς ὑμένας καὶ ἥχον ποιεῖν. τοῖς δὲ ἐν τῷ περάσατε τέτλιξι, διὰ τὸ ήλιαζεθαι, ξηροὺς καὶ νερούσις εἶναι τὰς ὑμένας, ὃς εὐφυῶς ἐκπέμπεθαι τὸν φθόγγον. i. Hujus loci proprium est, quod cicadæ in ulteriorre horum Locrorum regione canora sunt, alia vero mutæ. causa hujus eventus censetur: quia totus ad alteram partem locus umbrosus est, quo fit, ut cicadæ frigidas & rorulentas membranas diducere non possint ad sonum edendum. Quæ autem ultra versus occasum sunt, cum siccas & corneas habeant membranas, plenam resonandi facultatem nanciscuntur. Ex his igitur Maronis

ronis

ronis, in indicando obiter in his versibus *cicadarum* ingenio, dexteritas intelligi potest.

Non minor ejusdem, in perspiciendis animalium naturis atque innuendis, dexteritas appetet in sexta *Ecloga*, his versibus :

Ah! virgo infelix, tu nunc in montibus erras:

Ille latus niveum molli fultus hyacintho,

Ilice sub nigra pallentes ruminat herbas.

De Pasiphae Minois uxore & tauro, quem adamasse ad coitum usque dicitur, hæc canit: cur autem hunc taurum latus molli fultum hiacyntho ruminare dicat, nemo requirit; neque aliud quisquam in iis verbis, nisi animalis decumbentis situm cogitat. ceterum peritissimus historiæ animalium vates, ad istorum, quæ ruminant, quandam proprietatem respexit, ab Aristotele notatam in nono *historiarum* capite ultimo his verbis: Πάντα δὲ καλακεῖμενα μηγυνάζεσθαι μᾶλλον. *Jacent potissimum, cum ruminant omnia.* Non quia nunquam stantia ruminant, sed quia magis & saepius jacentia, ut natura intelligatur. Ita igitur Cæsar Scaliger in *commentario* ad hunc locum Aristotelis : Et dixit μᾶλλον, quia etiam stantia: adeo ut bos etiam ad plaustrum vindictus decumbat, ut ruminet: licet non semper. Hanc indolem ajo Maronem eruditis, in tauro illo, quem ruminantem describit, contemplandum dedisse. Quamobrem autem ea animalia se humi ad pabulum ruminandum componant, Fabricius ab Aquapendente solers operum naturæ indagator, & mysteriorum epopta declarat, in eo libro quem *de ventriculorum varietate* composuit: cuius verba, quia animadversionem nostram confirmant, lucem Latinorum poëtarum principi non mediocrem afferrunt, tum (quo nihil erectis ingenii jucundius) naturæ in captandis ad quodvis officii genus, in ordine etiam bestiarum opportunitatibus sollicitudinem, & providentiam demonstrant, subjungere visum est: *Ultimo hoc loco*

qua-

quæritur a quibusdam, cur animalia plerumque jacendo ad ruminandum sese accommodent, cum tamen eodem modo, quo cibum in os ingesserunt, eundem quoque regerere posse videantur? dicendum esse arbitror, quod natura hunc motum ruminacionis, qui a corpore gravi contra suam naturam, fieri sursum appetet, evitare, ejusque violentiam utcunque moderari voluerit; id quod magis jacendo, quam stando non incommode præstare poterat. Hoc enim modo cibus longe cum minori difficultate ascendere cogitur, nec tam alte in os compulsus trahitur: quam facilitatem adhuc non parum ipse decubitus, quo semper in alterum latus animalia decumbunt, adjuvare videtur. Sic enim via, per quam cibus sursum regeritur, declivior & commodior fit, & longe minori cum labore & conatu cibus in os propellitur, quam si stando vel incedendo ruminatio perageretur.

C A P U T X.

Eiusdem in pastoralis pedi descriptione cura appri-
me bucolico carmini congruens, tum alia obiter
animadversa.



Ocus exstat in 5. Ecloga:

At tu sume pedum (quod, me cum sape ro-
garet
Non tulit Antigenes, & erat tum dignus
amari)

Formosum paribus nodis atque ære, Menalca.

Et in re tam tenui Maronis ingenium & eruditio elucet:
Nam & Theophrastus in primo de Historiis Plantarum, lau-
datam olim in arboribus nodorum paritatem & æqualem
inter se distantiam testatur: Eisī δὲ (inquit) τῶν μὴ ἀ-
ταντοι,